


صاحبی ، مدیری ، محرری :



اسلامك نفعنه خادم مقالات
مع الت شكر قبول ونشر اولونور
يازاله شخصيتي دكل ، يا زيناك احييت
نظردقتك آلتير .

كلن يازيلردن شايان قبول كوردولنلر:
تامرچ ميراسيله دوج ايديليز .



مخمس

۱۳۳۸

علمی ، ادبی ، اجتماعی و شمیميك شهرى
مجموعه در

۱۳۴۰ محرمه مخصوص نسخه

عدد : ۱۵

اداره خانه سي : شهرزاده باشندده

تعالی اسلام
جميعتي مركز عموميسي

مركز توزيی :


باب عالی جاده سنده (اتحاد
تجارت) كتيخانه سي

آبونه بدلی :

سنه ليكي ۱۲۰ غروش

آلتی آيلنی ۶۰

اوج آيلنی ۳۰



فی ۱۰ غروش

ممرجات :

مخمس علمی و فلسفی : حکمة الاشراق — محمد شرف الدين . خوف ورجا — نیازی .

مخمس اتقادی : معهود هذيان قوفه رانسی حقه — طاهر المولوی . تاريخی بر مقایسه — طاهر المولوی .

مخمس ادبی : شهید کربلايه — توقادی زاده شکیب . نشیده مولویانه — احسان محوی . ترجمه لرمدن —

شرف الدین تنظیر غزل بهانی — محمد صادق . جانلی بر قوقلايه — م . انور . بر قطعه — فرید . غزل — امین خاکی
مخمس فنی — دکتر لک صوی نه دن طوزلودر — سمدی .

مخمس تاریخی : ابوزر غفاری — طاهر المولوی — محرم وماتم — طاهر المولوی — مشرکین عربك مشهور پوتلری
طاهر المولوی — قندیل کیه لرنده مناره لرک تنویری — تاریخ سلائیکی . امین خاکی به داتر — عبدالباقی .

مجله انتقادی

معهود هذیان قوفه رانسی حقیقه

محترم هم‌رضا بک توحید افکار غزه‌سند
 نقل و انتقادیه کوره دارالمعلمین عالیه دوقور
 جودت نصوحی بک طرفدن بر قوفه رانس
 ویریش . دارالفنونک (فیزیولوژی روحیات)
 معلم سابق اولان بو طیب ادیب « اجتماعی حیاتمزه
 جنون » دایر بر حقوق قهوتلاده بولونمش . مطالعات
 حکیمانه سنه نظراً « انسانلرک صارصیلماز ایمان
 عمده لری اساسده هذیانی بر فکرندن عبارت ،
 « روح ، ملک ، آخرت ، غائبدن خبر . .
 اکثریتله مرهانیکی بر هذیانک محصولی ، ایش .
 « تعبد تظاهراتی ، یعنی فوق الادراک اوزرنده رجا
 ایله ، دعا ایله ، عطیه وهدیه ایله بر تأثیر حصوله
 کتیرمک قناعتی هیچ اولمازسه قسماً سحر بازلقدن
 نشأت ایش « بعض دین مؤسسعلری حقیقه
 (ایستهریالی ، صرععلی ، باوا نویالی) وسائر
 ده نیلدیکنه ، قوفه رانس سامعلری واقف ایشلر .
 فخر عالم الحادندن زمان زمان قبابان دین
 علمدارلنک اولو دالضه لر حالده آراسیرا شرق
 صولرینه قدر سور وکله نهمسی کوروله کلکده درکه
 دوقور بک بوقوفه رانسی ده او تأثیر سز چالقاتیلردن
 بریدر .

نینه کیم بر قاج سنه اول (دوزی) نلک معهود
 انری ؛ عین اسم و مسلکده بری طرفدن تورکجه
 نقل ایدیش و خطیب حکیمک ایما ایله مک ایسته دیکی
 « ایستهریالی » مسئله سی اوراده ده سویله نیلرک
 ذات اقدس رسالتک عصی بر خسته لقه معلول و آثار
 وحیک حالات عصیه دن عبارت بولونمش اولدینی
 ادعا قلمیشدی . لکن او مفتریانه قوهات ؛ مسلما نقلیه

پیغمبر دهبانیه حصر ایدیلرک ادیان سائر اربانه
 - حسب التعصب - تجاوز اولونماشدی . بودقه کی
 قوفه رانسک سائر تعرضات ایله بر فرقی وادسه
 بدایت بشریتدن عصر حاضر مدینه قدر یا شامش
 و یا شامقده بولونمش اولان دیندار انسانلره ایمانلری
 اعتباریه هذیانرور ! ده نیلمه سی و او خطابه
 حکیمانه نلک هذیان اوزه ریته بنا ایدیلر سیدر .

معلومدرکه بر مسئله ؛ یا قناعات ، یا خود الزامیات
 وادیسند مناقشه اولونور . مباحثه اقناعیه ده طرفینک
 اساس اعتباریه بر جهته ایشامش اولمالری لازمدر .
 بوتون ایمان عمده لرینک اساسی ؛ هذیانی بر فکرندن
 عبارتدر دین طیب خطیبی منقولات دینه ایله اقناعه
 چالشمق ؛ عجله اشتغال ایله مک قدر مضامیر بر
 حرکت اولور . بناء علیه کنیدینه جواب اعطاسنده
 الزام طریق التزام ایدیلریدر . ناصیلکه عمر رضا
 بک طرفندن یازیلان مقاله انتقادیه ده بوجهت
 کوزه دیلرک بعض حق مطالعات ابراد و لزوم دینی
 دایر بر منضم دارالفنونی رئیسک اتفاقی اشهاد
 ایدیلر کدن صوکر : « نه غریبدرکه دوقور نصوحی
 بک بکون اورتیه آندینی تلقیلری بوندن اون
 اوچ عصر مقدم (کفار قریش) رسالتپناه اقدیمزه
 قارشى کمال عناد و شدت ایله درمیان ایشلردی
 بو قدر عصر صوکر اطباء اسلامیه دن بر ذاتک
 (کفار قریش) ذهنیت مردوده منی طاشیاسی و او
 ذهنیتله اذهان شبان مملکتی تشویش ایده جک بولده
 نشر یانده بولونماسی جدا موجب تأثر اولسه کر کدر ،
 ده نیلمشدر .

أوت . بویه سوزلرک فن نامه وحقما بر صورت
 ایله سویله نهمسی نه قدر موجب تأثر ایشه او اباطیلک
 هر کسه برابر ذوات و مقامات علمیه طرفندن ده
 مرید نشین استراحت اوله رقی دیکله نهمسی اودرجه
 سخرای تأسفدر .

الله؛ رضا بکدن راضی اولسون که مدافعه دین ايله مکلف و موظف اولانلرک سکوت لاقیدینه رغماً ایکی ستون یازی یازمقله حصه سینه دوشن وظیفه بی ایفا ايله مشدر .

بالکیز منقد محترمک مساعده سینه اغتراراً (قریشک ذهینتی ايله دوقتور نصوحی جووت بکک فکر وافاداتی آراستده طاغیر دکل و دنیا لر قدر فرق وار . قرشیلر ؟ دین واعتقاد افکارینی هذیان عد ایتیورلرده ، حتی کندیلری ده - ولو که باطل اولسون - شریعت ابراهیمیه بقایاسی ايله بتهرستلکدن عبارت برخلیطه مذهبییه ایمان و اتباع ايله یورلردی . کائناتک تصادفاً و کندیلککندن وجوده کلش اولمایوب یکانه برمودجک اثر ابداعی بولوندیغنی بیلیورلر و طایفندقلری بوتلری او موحد وحید عندنده شفاعتی طانیورلردی . (اللهم قیض لری !) ظننه دوشدکلری ملککک و جودینی قصدیق ایدنلری ، افعال انسانیه مکافات و مجازاتی کوروله جک باشقه برعالم واردر اعترافیه آخرته ایمان ایلینلری موجودایدی . علیه الصلوة والسلام اقدیمزله دین اسلامه و اوکا داخل اولان اصحاب کرامه قارشى قولى و فعلی تجاوزلری ایسه دینسزلک سوقندن دکل ، مذهب غیرتندن ، برده اجتماعی دوشونجه لردن ایلری کلیوردی . فی الواقع ذات اقدس رسالته کاهن ، شاه ، ساحر ، مجنون ؛ دینه جک درجه ده صاحب الامشاردی . فقط بو هذیانات ؛ ینه کندیلری ، از جمله (ولید بن المفییره) (عتبه بن ربیع) و سائر که عقلای رؤسا طرفندن رد ایدیلشدی . هله ولید بن المفییره د مجنون دیسه کیم اینانیر ، او نده اصلاً جنون علامتی یوق ، دیمشدی) دیدکدن صوکرآ علاوه ایده حکم که :

شو تجاوز و اعترافلر ۱۳۰۰ ییل اول محیط و محاطی یالچین قایالر ايله قیزغین قوملردن عبارت

برداوت عالمده وقوعه کلش ، هم ده بوتون افراد بشره تشمیل ایدیلله یوک او محیط سکنه سنک بمضیلرینه حصر اولونمشدی .

شایان تأسفدرکه ۱۳ عصر صوکرآ تعبیر دیگرله یکرمنجی عصر مدنیتده فن آدمی اولمق اوزره یه تیشمش بر استادک لسان تعرض و تحمیقندن ماضی و حالده کی ارباب ادیانک هیچ بری قورتولامیور ، هر برینک دینه مخصوص عقائدی هذیان ايله توصیف ایدیلور .

اوله صانیورم که عقائد دینه کی ثابت فکرلرک هذیان اولماسی لازم کلدیکی تقدیرده کال ثبات ولایتزل بر متانتله بونلرک خلافتی التزام ایلین دینسزلک افکارینکده هذیان اولماسی ایجاب ایدر . او حالده کائنات ادیانک هذیان اوزره رینه بنا ایدیلش اولدیغنی صار صیلماز و ایمانی بر قناعتله سویله یین دوقتور نصوحی بککده بالعموم دیندار اولانلر عندنده هذیانکو اولدیغنه حکم ویریه بیلیره خوش آینده برقره واردر :

عقلا کچینلردن بری ؛ دارالشفایه کیدوب اوراده کی مجانبندن برینک قارشینه کچمش . قاضی جامع ، کوزینی اوینامق ، دینلی جیقارمق صورتیله زاوالله یی قیزدیرمق ایسته مش . ده لی ، بوجنون طافل نمایه اوینامق ایچین یوزینی نه طرفه چویرمش ایسه عقلی قارشینه دیکلیمش . نهایت بریکی :

— یاربى شو قوللرنگ حاله باق : کیمی باغلامش ، کیمی صالما بیراقشور ا دیغش .

ظاهر الحولوی